

xliii.

Comme soict ainsy qu'instance ayt esté introduitte et soict encore pendante **en la cour de monsieur le juge de villelongue** ou son lieutenant au **siege de villemur**, entre **feue jeanne riviere filhe et coheritiere** soubz benefice d( )inventaire **de feu guillaume riviere et femme a feu m(aîtr)e pierre decamps notaire royal du lieu de mongaillard** demanderesse en division et partage de biens, d une part et **jean riviere son frere filz dudict feu guillaume** desfendeur et( )impetrant lettres royaux en recizion du **contract d'accord** fait et **passé** entreux **le vingt sixiesme juin mil cinq cens nonante sept rettenu par arnaud regis not(air)e royal de verilhac** d'autre part et qu'en ladicte instance **sentance** ayt este **rendue** en contradictoire deffance **le quinziesme febvrier mil six cens troys** portant que ledict contract d'accord est cassé et la substitu(ti)on appozée au **testament de feu jean riviere ayeul** desd(ites) parties **rettenu par prunes<sup>1</sup> no(tai)re le premier de may mil cinq cens septante cinq** ouverte au proffict dudict jean riviere, auquel par cé moyen l'entiere hereditté dudict feu jean ayeul estoict adjugee dixtraitte d( )icelle la legitime et quarte dudict feu guillaume & les frays funeraux, debtes, legatz et autres chozes exprimées en lad(ite) sentance neanmoins lad(ite) jeanne riviere deivoir succeder en lad(ite)

.....

legitime et quarte pour un cinquiesme comme estant **ledict feu guillaume riviere decede ab( )intestat et laissé cinq enfans** et en ce que concernoict les augmenta(ti)ons, melhora(ti)ons et( )repara(ti)ons faictes et demandees par led(it) decamps aux biens desd(its) feus jean et guillaume, led(it) riviere estoict condempné au payement d( )icelle pour sa cotitté suyvant la liquida(ti)on qu( )en seroict faicte sur le rolle qu( )icelluy decamps en bailheroict par devers les expertz quy procederoient a ladicte dixtraction de legitime et quarte ainsy qu'est plus particulierement exprimé par ladicte sentance levée par ledict riviere et faict inthimer ausd(its) decamps et( )riviere maries le **dixiesme de mars** aud(it) an **mil six cens troys** sans pourtant que du despuis ladicte dixtraction ayt esté faicte ains tous lesd(its) biens ensemble ceux quy appartenoient en particulier audict feu guillaume riviere pere pour les avoir aquis despuis le deces de son pere entierement jouys et les fruitz d( )iceux preceux par ledict jean riviere filz sans en avoir donne aucun compte ausdictz mariés ny a **leurs enfans apres** eux lesquels avoient renouvelé lad(ite) **instance contre ledict riviere leur oncle** et estoient en voye de pour suyvre l( )execu(ti)on de lad(ite) sentance

et ladixtraction de lad(ite) legitime et quarte en ce quy  
leur pouvoict conserner, item qu'**autre instance**  
ayt esté introduitte devant ledict sieur juge,

---

xliiii

**entre jeanne caussade femme d arnaud riviere dict  
bichou du lieu de mongailhard de laquelle lesdictz decamps  
filz ou leursd(its) feus pere et mere ont droict et cause**  
demanderesse en delaisement d une piece terre a elle  
appartenant comme **filhe et heritiere a feue anthoinette  
mercadiere** size dans le consulat de mongaillard  
**mazage de riviere** de la contenance de cinq pugnerades  
controntant avec terre desdictz decamps **yeys tendant  
dudict mazage a l eglise** et terre dudict jean riviere,  
avec restitu(ti)on de fruitz contre ledict riviere desfandeur  
& par **sentance donnée** aussy en contradicttoire desfance  
**le vingt septiesme septembre mil six cens sept**  
ledict riviere condampné a faire delaisement de lad(ite)  
piece de terre avec restitu(ti)on de fruitz despous l( )indeue  
occupati)on selon l( )extima(ti)on qu( )en seroict faicte par  
expertz accordés ou prins d office avec despans, sauf  
sy ledict riviere faisoict apparoir de bon et valable  
tiltre dans quinzaine contre laquelle sentance led(it)  
riviere se seroict pourveu par requeste en retractement  
sur laquelle ordonnance s'en seroict ensuivye portant  
que dem(e)urant l( )execu(ti)on de ladicte sentance en suspens  
& sans prejudice des fins de non recevoir dudict  
riviere et sauf a y faire droict icelluy riviere  
bailheroict comme il auroict faict ses moyens

---

de retractement sur lesquelz et( )incistances des  
partyes le proces auroict esté derrechefz appointé  
en droict & l affaire demeuré en l estat, jusques a  
presant que lesdictz decamps auroient reprins les  
airemens<sup>2</sup> de ladicte instance et demandé la voidange  
de ladicte clau(ais)on<sup>3</sup> et execu(ti)on de ladicte sentance  
au moyen de quoy & dés autres raisons et  
exceptions respectives desdictes partyes icelles  
estoient en voye de se constituer en grandz frais et  
longueur de proces, mais pour y obvier et vivre  
en paix ensemblé s'en seroient accordés par  
l'entremize d'aucuns leurs bons parens et amis  
tellement qu( )il ne restoict qu'a en passer contract  
**pour ce est il qu'au jourd'huy neufiesme  
du mois de febvrier an mil six cens quarante  
ung** après midi regnant louys &<sup>a</sup> pardevant  
moy notaire royal soubz(sign)né dans ma boutique **a villemur**  
&<sup>a</sup> establys en personne les susdictz jean  
riviere marchand habitant du lieu de mongailhard

jurisdiction dudict villemur d une part et m(aîtr)e **gaspard decamps not(air)e royal et anthoine decamps marchand freres** dudict mongailhard **coher(riti)ers dés** susdictz **defunctz** m(aîtr)e **pierre de camps not(air)e et jeanne riviere** mariés **leurs pere et mere** faisant tant pour eux que pour et au nom de m(aîtr)e **jean de camps p(rest)bre, pierre**

.....

xliv.

**decamps léurs freres** et autres coher(itier)s sy point en y a de leursd(its) feus pere et mere absans et ausquelz promettent de faire agréer le contenu au presant instrument et( ) icelluy ratiffier a la première et séule requi(siti)on a peyne de tous despans damages et( ) intherestz d'autre lésquelles partyes de gré intervenant reciproques stipula(ti)on et accepta(ti)ons ont renoncé et( ) renoncent aux susdictz proces et differans, leurs circonstances et deppendances avec promesse que desormais n en sera plus faicte poursuite, instance ny demande nouvelle, convenu que checune des partyes en payera et supportera ses frays et despans sans que pour( ) ce l'une puisse rein prethendre contre l'autre & que lés droictz du greffier des reprises et( ) pour suites dernieres desdictes instances séront esgallement et par moitié payés par icelles / et au principal ont transhigé et accordé transhigent et acordent lesdictes partyes que pour tous les droictz actions et prethen(ti)ons generallement quelconques que lesdictz de camps freres et heritiers susdictz pourroient avoir de presant et a( ) l( ) advenir contre le susdict **jean riviere leur oncle**, soict en principal intherestz fruitz et despans a cause des heredités des susdictz **feus jean et guillaume rivieres** que d'**astrugue debia mere d( ) iceux** et du droict de la susd(ite)

.....

caussade ou autrement en quelle forme et maniere que ce soict en vertu des sentences devant enoncées et autres raisons exprimées ausdictz proces et en consequence d( ) ceux, ledict riviere bailheroict et delaisseroict ausdictz decamps ses nepveus comme illeur bailhe et delaisse purement et apperpetuitté par vertu de ce contract, sçavoir est premierement une piece de terre assize dans le consulat dudict mongailhard **lieu appellé a la sabaterie et autrement a boirat** de la contenance de deux razes troys boisseaux et toute lad(ite) piece ensemble lés autres cy après declairées et delaissées en corps avec leurs plus ou moingz sans aucune retten(ti)on ny reserva(ti)on confrontant

avec le **communal dudict boriat appelé de marty cepet** terre desdictz de camps de deux costés terre du sieur de benac en partie **le ruisseau de labrande** venant de la fontaine dudict mongailhard, plus uen petite piece de terre assize dans ledict consulat **terroir appelé a enguiraud et autrement a la coste du molin** de mongailhard contenant troys boisseaux deux tiers de boisseau confrontant avec terre desdictz decamps et terre de raymond tornemire, plus une autre piece de terre assize dan le mesme consulat **terroir appelé a boysset et autrement al( )hormet**

---

xlvi.

**du tiran** contenant une raze confrontant avec le chemin tendant dudict mongailhard a villette terre desdictz decamps de deux costes et terre de pierre villeneufve, plus une autre petite pice de terre appelée **la margouton** assize dans le mesme consulat **terroir appelé a gibert et autrement a l eglise** contenant troys boisseaux troys quartz et demy de boisseau, confrontant de deux partz avec terre desdictz decamps terre de m(aîtr)e jean blanc p(rest)bre et **terre des her(it)iers de feu m(aîtr)e gaspard riviere procureur** finalement une piece de terre et pred joignant size dans le susdict consulat de mongailhard **terroir appelé a la mothe et autrement a malaret** de la contenance de quatre razées quatre boisseaux confrontant avec **le ruisseau de coulere, terre des her(it)iers de bernarde riviere**, terre de guillaume prohenquieres et terre desdictz decamps et autres confron(tation)s legitimes sy point en y a ausdictes pieces bilhées et delaissées avec leurs entrées yssues servittudes et appartenances quelconques soubz la rente que se trouveront faire & la taille franchises d'autres subcides et quittes des arrieries desd(ites) entes et( )taille ensemble de toutes autres charges debtes et ypotheques jusqu'au jour presant, desdictes pieces led(it) riviere s'est dessaizi et devestu, en a investu et saisi lesdictz de camps sés nepveus par le bail de ceste

---

cede presentement fait en signe de possession legitime pour par iceux dores en avant en jouyr faire et disposer a leurs plaisirs et volontes promettant icelluy riviere de leur en porter plaine esviction et garentie envers tous ceux qu( )il app(artien)dra en jugement et dehors au petittoire et au possezsoire, sauf du droict de colone partiaire desdictes pieces dont en faveur d( )icelluy est faicte rezerva(ti)on expresse par ledict riviere moyennant quoy lesdictes

partyes sont et dem(e)urent respectivement quittes de toutes les choses susdictes, sans qu'a l advenir demande ny rec(h)erche en puisse estre faicte directement ny indirectement a la rezerve toutesfois par lesdictz de camps des ypotheques et( )privileges d( )icelles, qu'a raison de leursdictz droictz et actions sont aquis pour y recourir et s en servir en cas de besoing, auquel cas declarent n entendre sy prejudicier aucunement moingz renoncér a( )icelles ny les invouer dont ilz proteztent par expres suyvant leur particuliere conven(ti)on d'autant que sans cella ilz n eussent ainsy consenty et( )passe le presant contract estant neantmoins aussy par exprés convenu et accordé entre partyes qu'en cas dans dix ans prochains precizement ledict riviere ou ses enfans tant s(e)ullement se trouveroient en

.....

xlvii.

comoditté de payer la somme de cinquante livres ausdictz de camps iceux seront tenus de la recepvoir et en ce faisant de rendre et delaisser audict riviere ou a sesdictz enfans tant s(e)ullemnt comme dict est franche et( )immune d'arrieries de tailles et rente ensemble de toutes ypotheques vant de leurs chefs sçavoir est la susdicte piece de terre et( )pred joignant size audict **terroir de la mothe et autrement de malaret** sans aucune restitu(ti)on de fructz a la charge que ladicte terre ne soict pas semée car en ce cas la recolte leur en appartiendra & par ledict riviere de leur rembourcer prealablement les legitimes ]~~de costamens dé~~[ costamens qu( )en consequence ilz feront apparoir avoir faictz et souffertz legitimement, sauf qu'icelluy riviere ny sesdictz enfans passé ledict temps de dix ans y puissent estre plus recerse ains en seront et dem(e)ureront tout a faict descheus, ladicte faculté comme non concedee & lesdictz de camps en plaine liberte de disposer de ladicte piece comme leur semblera bon et a tenir ce dessus ainsy transhigé et stipule par lesdictes partyes icellés ont respectivement obligés tous leurs biens presans et advenir, qu'ont soumis aux rigueurs de justice avec les renon(ciations) requises dé droict et l'ont jure par

.....

serement leurs mains a dieu levées de quoy a leur requisition instrument a esté rettenu par moy dict notaire en presance de m(aîtr)e ysaac regis notaire royal de verlhac de tescou guillaume

prouhenquieres hoste de beauvais et bertrand ratier  
de villemur signés lesdictz regis et( )ratier avec les  
partyes et moy no(tai)re led(it) prohenquieres a dict ne  
sçavoir

J. Riviere                  Ratier, p(rese)nt

Decamps                  Decamps

Regis                  Bascoul, not(aire)

controlle ledit jour  
gratis

*(Mention marginale)*

Et advenu le  
quinziesme novembre  
mil six cens quarante  
deux après midy au  
lieu regnant et( )pard(evan)t  
quy dessus établi  
en personne le  
susdict **pierre decamps**  
**marchant** habitant de  
th(ou)lous)e lequel après  
avoir entendu la lecture  
su susdict contract  
d'accord a luy presentem(en)t  
faicte par moy d(it) no(tai)re  
de gré a approuvé  
et( )ratiffie icelluy  
avec promesse de  
l'observer ]~~et ny~~[ sans  
y contrevénir soubz les  
mesmes obliga(ti)ons  
submi(ssi)ons y contenus  
faict en presance  
de m(aîtr)e ambroise  
cailhassou no(tai)re de  
pompignan et( )m(aîtr)e jean talou no(tai)re de beauvais signés avec led(it) decamps et moy no(tai)re  
Decamps      Calhassou, p(rese)nt                  Talou, p(rese)nt

<sup>1</sup> p. é. Claude Prunier (Prunhes), notaire royal de Monclar.

<sup>2</sup> Airement, comme errements, moyen de droit, procédure.

<sup>3</sup> Clauaison, comme cloaison, clôture. Peu sûr.